



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De Officio Confessarij. Cap. IIII.

urn:nbn:de:hbz:466:1-11399

radi, sibi que rationem singulis mensibus reddi curet.

Animaduertat quoque, vt vestiarius linteamina, & alios pannos benè custodiat, semper que pro Seminario aliquid faciat, quod magis necessarium videbitur; monitumque ipsum habeat, nè pro aliquo quidquam se, vel Rectore infcio labore.

Si cui è Seminario discedendum fuerit, quasunque Seminarij res habeat, sibi reddi procuret.

Denique præscriptos omnes, & clericis, & cæteris familiæ Ministris ordines, sedulo ab ipsis obseruari curabit: quod sanè munus, vt facilius, ac diligentius exequi possit, ordines omnes cuiuscunque generis, vel officij domus apud se habeat sepiusque legat.

Delinquentes tum clericos, tum famulos debitis pœnis afficiat: si cui tamen pœna aliqua grauis erit imponenda, id ne faciat inconsulto Rectore.

In ijs omnibus, que ad Ministri Seminarij officium pertinent, eidem Vicarij Ministri in alijs, tum vrbis, tum Diocesis Seminarijs existentes ratione reddant; ipseque Seminarij Minister, in eisdem collegijs, an oia rectè habeant, diligenter inspiciat, & accuratè inuestiget.

De Officio Confessarij. Cap. IIII.

Confessarius Seminarij illud secum reputet, ex se, rectaque sui muneris administratione, pendere eorum, qui in Seminario viuunt, in omni virtute progressam.

Quare turpe sibi fore, nisi ita viuat, & in omni vitæ parte ita se gerat, vt ex ipso vita moribusque, omnis virtutis atque officij exempla peti possint.

Pietate, mansuetudine, humilitate, prudentia, charitate, officij sui dignitatem sustineat, auctoritatem tueatur.

Familiæ totius pax, & concordia, eius cura sit; quare animorum offensiones, si quæ suboriantur, sedare confestim omni ratione studeat.

Vitam, & mores vniuscuiusque quantum fieri possit, exploratos habeat; vt vel ad officium reuocare errantes, vel in via Domini incitare ingreßos possit.

Illud in primis, in ijs quorum confessiones audit, efficere studeat, vt eum tanquam parentem ament, ac venerentur; ideoque cum illis benigne agat, præsertim dum confitentur, (adhibita tamen ea grauitate, & auctoritate, quam munus quod gerit, & persona quam sustinet, requirit).

Sic enim maximè sibi fidem conciliabit, efficietque, vt eius consilia salutaria, libenti animo, & suscipiant, & exequantur.

Quare neminem coram alijs, præsertim Superioribus, reprehendat, nec ei culpam aliquam exprobrat.

Singulis hebdomadibus feria sexta, & Sabbato clericorum confessiones audiatur, eo ordine, vt omnibus decimo quinto quoque die Poenitentia Sacramentum ministret; ijsque præterea temporibus, quibus clericis, ex constitutionum suarum præscripto infra tertia parte, in capite de pijs exercitationibus, peccata confiteri, & Sanctissimum Eucharistiæ Sacramentum suscipere tenentur.

Tempus autem constituat, quo vniuscuiusque Dormitorij clerici confiteri debeant, nè vlla ordinis perturbatio suboriantur: eos verò per Præfectos moneat, vt prius se præparent, quam ad confessionem eant.

Porrò Præfectus, non omnes simul, sed quinos tantum, vel senos ad eum mittat. Confessarius autem tabellam eo tempore apud se habeat, in qua clericorum omnium nomina descripta sint, vt sigillatim confitentes signet, & non confitentes ab alijs dignoscat.

Diebus Dominicis, & festis, cum clericis sanctissimam Eucharistiam sumunt, mane vacet ijs, qui indigerint reconciliandis.

Omnium præterea, qui in Seminario viuunt: Ecclesiasticorum Confessiones audiatur, tempore Concilij definiti, & famulorum semel saltem singulis mensibus.

Diebus festis à prandio famulos omnes conuocet, eosque in Doctrina Christiana diligenter erudiat.

Quotidie vespere, postquam clerici Matutinæ meditationis rationem reddiderint, omnibus in locum constitu-

quam conuenientibus, puncta proponat proximè sequenti die mane meditanda; in quo ne dimidium horæ quadrantem excedat; nec minus perspicuitati studeat, quam breuitati.

In eorum materia deligenda illud seruet, vt Sabbato, quod Dominicam antecedit, in qua sanctissimam Eucharistiam sumpturi sunt, de eodem Mysterio agat, sextis autem ferijs de Iesu Christi Passione, & morte.

Cæteris diebus Sabbati, itemq; vigilijs Ecclesiæ lege seruandis, puncta sumat ex Euangelio, quod sequenti die in Missa Ambrosianæ Ecclesiæ more pronuncietur, idque per totam Quadragesimam seruet.

Reliquis autem totius anni diebus, ex concordia Evangelica Cornelij Ianfenij sine interruptione promat, quoad usq; ad eius finem peruentum sit.

Proponat autem in hunc modum: pronunciet primò verba Euangelij; Deinde Italicè explicet, Postremò tria inde documenta eliciat, quæ futuræ meditationis materia sint.

Studeat, modò vni, modò alteri recreationi vicissim interesse, dum clericij Matutinæ meditationis rationem reddunt.

Vicissim diebus festis clericorù congregationibus intersit, curetq; vt ab omnibus statutis temporibus habeantur.

Denuo receptos clericos, aliosq; si opus fuerit, instruat in ijs, quæ ad constitutiones Seminarij spectant, eosq; quomodo confessionis, & Eucharistiæ Sacramenta suscipere, orare, Missam audire, eiq; tum Ambrosiano, tum Romano more inseruire debeant, erudiat.

Cum primùm, quis Seminarium fuerit ingressus, curet, vt totius vitæ peccata generali Confessione expiet.

Spiritualibus exercitationibus præstet, quas clerici statutis temporibus obibunt.

Multa cilicia, & disciplina sibi comparet, quas clericis, qui indigerint, accommodet.

Si cui in confessione aliquid occurrerit, quamobrem illi necesse sit, longiori temporis spatio immorari; nè a statibus confessionis occasio præbeat, Confes-

sarius hoc in aliud tempus differat, non imposita illi tunc quidem absolute, vel certè, si eum tunc absoluendum indicauerit, vt cum alijs possit sacram Eucharistiam sumere, id faciat. petita ab eo venia secum ea de re alio loco agendi.

Nihil aut ipse proponat, aut audiat à confitente ad confessionem minimè spectans: si autem aliqua institutione quæpiam indigere cognouerit, aliud sibi ad eum instituendum tempus eligat.

Si quos vitæ spiritualis amantes contempserit, eis suis cohortationibus vires addat, pijs colloquijs, documentis spiritualibus, orationibus, omniq; alia ratione iuuare conetur; languentes verò, desides, & à progressibus spiritualibus abhorrentes, quacunq; ratione excitare, & ad meliorem frugem reducere studeat.

Vt autem pœnitentibus ope suo præsto esse, ac eos ad vitæ emendationem, ac progressum in virtute possit excitare, vitia quædam, & sigillatim cuilibet opposita vitio remedia in promptu habeat; maximè verò ijs vitijs aduersa quibus præcipuè obnoxios esse nouit Seminarij clericos.

Quod ad orationem, eiusq; rationem spectat, studeat quàm diligentissimè in eo, quibuscunq; rebus poterit clericos iuuare, & quibusdam regulis instruere; cogitetq; parum admodum profecturos Seminarij Clericos in spirituali progressu, maximisq; fructibus priuatos iri, si vel nulla, vel non recta ratione orent.

Quamobrem maximos atque yberrimos, qui ex oratione præsertim mentali existunt fructus, sæpius illis proponat, omniq; ratione ad illius studium, & amorem inflammare nitatur.

Imperitos etiam, & in discutienda conscientia minimè exercitatos edoceat, omnemq; præscribat examinis modum, quò illi vti debeant, eiusq; rationem ab ijs exigat.

Moneat omnes, nè vnquam sibi ipsius mortalis culpæ conscij somnum capere audeant; sed contractam peccati maculam, statim Sacramentali confessione eluant.

Omnes hoc salutari præcepto informet, ut videlicet in Matutina oratione, se ipsos Deo Opt. Max. desideria sua, omnes cogitationes, actiones eius diei, & verba offerant; cuiusq; gloriam solam in omnibus rebus sibi proponant.

Studeat in omnium mentibus maximum animarum zelum, propriæ voluntatis abnegationem, veram obedientiam, paternam charitatem inferre; internascentia optimorum beneficiorum, vel diuitiarum desideria, salutariis monitionibus extinguat, quoslibet etiam iis de rebus sermones prohibeat; solam denique illis Dei gloriam, & animarum salutem procurandam esse doceat, & expectendam.

Illud deniq; sedulo curet, ut ea quæ Seminarij constitutionibus præcipiuntur, diligenter obseruent.

Bis in anno mittatur ad Seminarium Confessor extraordinarius, cui clerici omnes confiteantur; ut si qua de causa huiusmodi nonnulli indigeant medicina, occultis animi sui morbis mederi liberius possint.

Quare illud etiã caveatur, ut qui ordinarius confessor aliquando fuerit, nè idem ad eorum confessiones extraordinariè audiendas mittatur, nisi secus aliquando Reuerendiss. Archiepisc. expedire visum fuerit iusta de causa.

De munere Præfeti studiorum.

Cap. V.
Præfetus studiorum, in Seminario, & in omnibus eiusdem, tam vrbis, quam Diocesis collegij, rei literariæ præsit.

Eiusdem munus præcipuum illud erit, ut iuvenes leges Seminarij ad studia pertinentes inuiolatè seruent.

Curabit etiam diligenter, ut quam maximam ex lectionibus, repetitionibus, disputationibus, alijsq; literarum exercitationibus percipiant utilitatem; dubia propterea, si quæ occurrerint, explanabit.

Visitabit sæpè clericos dum domi student, & quid quisq; agat diligenter cognoscat: quod si quis tempus inutiliter consumpserit, Rectorem moneat, ut poenam quam meretur, luat.

Intelligat præteres, quinam negligentes sint, quive superati fuerint in his exercitationibus, quæ diebus Sabbati domi in scholis habentur: eius vero epistolam, quæ multis partibus amalo fuerit inferior, curabit publicè legi in Triclinio, omniaq; errata, quæ in ea notabuntur. Rector autem pro negligentia, & erratorum ratione in eum animaduertet.

Ut omnes, quanta fieri poterit diligentia Lectiones audiant, eisq; operam dent, efficiat, ut modo hic, modo ille Lectiones repetat, vel recitet in Mensa.

Inquirat aliquando, an Præceptores omnes domj existentes suum diligentemunus præsentent, anq; à præscripta illis docendi ratione discedat: quamobrem gymnasia sæpius visitet, lectionumq; explicationi intersit.

Adibit etiam interdum Magistros Braddæ, & quomodo se clerici gerant, quid proficiant in literarum studijs inquirat, & si quempiam in his deficere intelliget, ad Rectorem deferat.

Quotidie intersit repetitionibus Theologorum, & eorum, qui dant operam primæ Philosophiæ; aliarum etiam repetitionum Præfetos sæpè conuocet, repetitionibusq; ipsorum aliquando præsensit; videbitq; an rectè munus eis demandatum exequantur: quod si quid fuerit, quod ei minimè probeatur, cum Rectore conferat, ut ei malo consulatur.

Singulis item hebdomadis disputationes haberi curet, quibus ipse semper intersit, & lectionem Catechismi ad Parochos habeat, cui clerici omnes semper intersint.

Curam habeat, ut clerici per ordinem in Triclinio concionentur, thesaurata tradat ad præscriptum decretorij, ut in cap. de studijs præscribitur: quod si in Archiepiscopatu habedæ erunt, eas primum in Seminario recitari iubebit.

Nulla habeatur concio, aut oratio, etiam in Triclinio, neq; etiam recitentur carmina, nisi ab eo premissa: quæ omnia sciente Rectore agantur.

Idem primæ mensæ, nisi iusta de causa impeditus, tum mane, tum Vesperis accumbat.

Sæpè